

TË DREJTAT DHE DETYRIMET E STUDENTËVE

Statusi i studentit të UPT

1. Çdo person, fiton statusin e studentit në UPT, me regjistrimin e tij në një nga programet e studimit të UPT.
2. Studenti e humbet statusin e tim me marrjen e diplomës/certifikatës përkatëse, me tejkalimin e kohën maksimale të përfundimit të studimeve, me largimin vullnetar të tij pa përfunduar studimet ose me përjashtimin e tij nga UPT-ja.
3. Studenti, që është shpallur fitues në programin e studimi të UPT-së sipas kornizën ligjore në fuqi, regjistrohet në një program studimi të UPT-së, pasi përmbush detyrimet e mëposhtme:
 - ka dorëzuar pranë sekretarisë mësimore të njësisë kryesore ku do të kryejë studimet, dokumentacionin e kërkuar, në përputhje me udhëzimet përkatëse;
 - ka plotësuar formularin e regjistrimit;
 - ka shlyer detyrimet financiare në përputhje me kornizën ligjore në fuqi
4. Studenti i regjistruar në një program studimi në UPT, duhet:
 - të njihet me Statutin, Kodin e Etikes dhe Rregulloren e Zhvillimit Kurrikular dhe të Mësimdhënies të UPT;
 - të njihet me rregulloren e programit të studimit;
5. Studenti mund t'i pezullojë studimet dhe t'i rifillojë ato, në përputhje me rregullat e përcaktuara në këtë Rregullore.
6. Studenti nuk mund të regjistrohet, njëkohësisht, në më shumë se një program studimi. Bëjnë përjashtim nga ky rregull vetëm nxënësit dhe studentët e shkëlqyer, të përcatuar nga korniza ligjore në fuqi.

Të drejtat e studentëve të UPT

1. Studentët e UPT kanë të drejtë:
 - a) të përfaqësohen në organet kolegjiale të UPT në përputhje me kornizën ligjore në fuqi dhe Statutin e UPT.
 - b) të përfshihen në procesin e rishikimit dhe përmirësimit të programeve të studimit.

- c) të organizohen për çështjet e tyre në nivel institucional, njësie kryesore apo njësie bazë.
- d) të përdorin pajisjet e shkollës, sipas rregullave përkatëse, për të realizuar programin mësimor dhe punën e programuar në aktivitetin e tij shkencor, laboratorët, bibliotekën dhe mjediset sportive e kulturore të njesive kryesore të UPT;
- e) të kërkojnë respektimin e procesit mësimor dhe të procedurave të tij në përputhje me rregulloren e zhvillimit kurrikular dhe të mësimdhënies të UPT dhe rregulloren e programit të studimit.
- f) të shprehin opinionet e tyre për cilësinë e mësimdhënies, punën e personelit akademik, ndihmës-akademik të UPT.
- g) të shprehin opinionet e tyre për cilësinë e shërbimit të personelit administrativ të UPT.
- h) të shprehin mendim mbi korektësinë, objektivitetin dhe barazinë në procesin e vlerësimit të kontrollit të dijeve, përfshirë mundësinë e ankimit të rezultatit, rishikimit dhe reflektimit nga pedagogu përgjegjës/ njësia bazë / njësia kryesore.
- i) të paraqesin ankesat e tyre në instancat përkatëse të UPT për çdo shkelje të të drejtave të tyre.
- j) të përfitojnë bursë studimi kur plotësojnë kushtet e përcaktuara në kornizën ligjore në fuqi si dhe shpërblime të veçanta, që administrohen nga UPT, me miratimin e BAUPT.
- k) të ndjekin leksione, seminare/ushtime dhe të gjitha veprimtaritë e tjera mësimore-shkencore, të organizuara në përputhje me statusin e tyre.
- l) të pajisen për çdo vit akademik me Kartën e Studentit, që është dokument unik, me anë të të cilit, ata përfitojnë shërbime me çmime të reduktuara në përputhje me kornizën ligjore në fuqi. Kriteret dhe procedurat për përgatitjen dhe lëshimin e kartës së studentit, përcaktohen në përputhje me kornizën ligjore në fuqi.
- m) të pajisen me Kartën e Studentit, që është dokument unik, me anë të të cilit, ata përfitojnë shërbime me çmime të reduktuara në përputhje me kornizën ligjore në fuqi. Kriteret dhe procedurat për përgatitjen dhe lëshimin e kartës së studentit, përcaktohen në përputhje me kornizën ligjore në fuqi.

Detyrimet e studentëve të UPT

1. Studentët e UPT janë të detyruar:

- a) të zbatojnë rregullat e përcaktuara në Rregulloren e Zhvillimit Kurrikular dhe të Mësimdhënies të UPT dhe në rregulloren e programit të studimit;
- b) t'u kushtojnë vëmendje studimeve dhe të marrin pjesë në veprimtaritë akademike;
- c) të shlyejnë të gjitha detyrimet e përcaktuara në planin mësimor dhe programet e lëndëve.

- d) të paguajnë tarifën e shkollimit dhe të shërbimeve që u ofron UPT në përputhje me kornizën ligjore në fuqi;
 - e) të respektojnë kodin e etikës, të UPT;
 - f) të tregojnë vëmendjen e duhur ndaj të drejtave të personelit dhe të studentëve të tjerë.
 - g) Të ruajnë e të respektojnë paprekshmërinë e orës së mësimi dhe të pedagogut në mësim
2. Studentët e UPT janë përgjegjës për pasojat që mund të rrjedhin nga mosnjohja e këtyre detyrimeve.

Organizmat e studentëve të UPT

1. Studentët e UPT gëzojnë të drejtën e organizmave të tyre, të cilat janë të pavarura dhe nuk zhvillojnë veprimtari politike ose partiake.
2. Këto organizma promovojnë pjesëmarrjen e studentëve dhe koordinojnë përfaqësimin e tyre në organet drejtuese kolegjiale të UPT, në strukturat mësimore-kërkimore dhe të shërbimeve të tij.
3. Organizmat e studentëve të UPT funksionojnë në përputhje me kornizën ligjore në fuqi, statutin e UPT dhe rregullores së tyre, në nivel institucional dhe/ose njësie kryesore dhe bazë.
4. Menyrat dhe procedurat për krijimin, organizimin dhe funksionimin e tyre përcaktohen në statutin dhe rregulloret e brendshme, të cilat hartohen në përputhje me Statutin e UPT-së dhe kornizën ligjore në fuqi.
5. Organizmat e studentëve të UPT shprehin mendime dhe propozime për të gjitha problemet me interes të përgjithshëm të UPT, si për planet dhe programet e studimeve, rregulloret për veprimtaritë mësimore, të drejtën për të studiuar, cilësinë e shërbimeve, përcaktimin e tarifave të shkollimit dhe kontributeve të tjera financiare për studentët, ndarjen e burimeve financiare, zhvillimin e veprimtarive të ndryshme kulturore, artistike, sportive, etj.
6. UPT mbështet organizmat e studentëve të tij dhe mund të financojë veprimtari të tyre me miratim të BAUPT.
7. UPT mbështet organizmat e studentëve me infrastrukturen e nevojshme për realizimin e aktiviteteve të tyre.
8. UPT mbështet organizmat e studentëve të tij dhe promovon në mënyrë të veçantë organizimin e të diplomuarve të tij "Alumni" nëpërmjet njësisë përgjegjëse në UPT.

Shkelja e rregullave

1. Shkelje e rregullave të shkollës konsiderohen të gjitha veprimet e kryera nga ana e studentit që çenojnë:

- zhvillimin e procesit të mësimit/orës së mësimit, (prishja e ores se mesimit, zaptimi me forcë i mjediseve të Universitetit, hyrja me forcë në orën e mësimit, etj)
- personalitetin e mësimeve dhe të çdo punonjësi tjetër të UPT,
- normat etiko-morale të shoqërisë, (kopjimi në provime, falsifikimi i dokumentave të ndryshme,..)
- pronësinë intelektuale, aktet e vjedhjes së të drejtës së autorit,
- normat e komunikimit, funksionimin normal të pajisjeve dhe dhe infrastruktures mesimore etj., kur këto veprime nuk bartin elemente të veprës penale.

2. Ndaj studentit që kryen këto veprime, merren këto masa disiplinore:

- a) vërejtje me shkrim;
- b) përjashtim nga UPT për një vit;
- c) përjashtim perfundimtar nga UPT.

Vendimin për masat disiplinore dhe përjashtimin e studentit e merr Rektori i UPT me propozim të Këshillit të Etikës.